

JACQ. *Fl. Austr. tab. 410.*

*Hieracium caule subnudo foliis ovatis integris, floribus umbellatis aurantiis.* HALL. *hist.* 1. n. 50.

*Hieracium alpinum non laciniatum, flore fusco.* BAUH. *prodr. p. 65.*

*Hieracium germanicum* I. COL. *Ecpfr. 2. p. 28.*

Loc. Legi circa thermas *Vinadii*. Cl. BELLARDI in montibus di *Tenda* elatioribus, & Ignatius MOLINERI in utroque monte *Cenisio*. In pratis *Loslaros* montis *Cenisii* pulcherrime florentem hanc HIERACII speciem observavi, cujus icon data *tab. 14. fig. 1.* exhibet singularem varietatem, quae florem habet sulphureum semiflosculis fimbriato-laciniatis. PERENNE.

### CAULE FOLIOSO.

779. HIERACIUM capillaceum. *tab. 31. fig. 3.*

*Hieracium caule subnudo unifloro foliis nervosis gramineis integerrimis.*

*Hieracium capillaceo folio.* BAUH. *prodr. 21. p. 62.*

Loc. Lectum circa *Sospello* in Comitatu *Nicaensi*. PERENNE.

DESCR. Radix crassa, & nigra, ex qua folia nervosa graminea, inter ea scapus palmaris subnudus simplex florem unicum sustinens, cujus calyx ex imbricatis foliolis ovato-lanceolatis glabris. Seminum pappus non videtur plumosus. Hanc stirpem misit Cl. GOUAN *Scorzoneræ* crocifolii nomine. Ambigit inter HIERACIUM, & *Scorzoneram*.

780. HIERACIUM porrifolium.

ICON. TAUR. *Vol. VIII. tab. 54.*

*Hieracium caule ramoso folioso, foliis lanceolato-linearibus subintegerrimis.* LINN. *spec.* p. 1128. *Mant. alt. obs. p. 458.*

*Hieracium caule folioso multifloro, foliis linearibus integerrimis.* JACQ. *Vindob. 273. tab. 6. Fl. Austr. tab. 286.*

*Hieracium caule ramoso, foliis radicalibus linearibus, caulinis minimis.* GERARD. *Galloprov. 167. n. 5.*

*Hieracium montanum Asphodeli foliis acuminatis.* BOCC. *mus. 147. tab. 106.*

Loc. Thomas PRIM legit in *Exilliarum* valle. Ignatius MOLINERI in rupibus circa *Dernis* Oppidum agri *Dertonensis*. PERENNE.

781. HIERACIUM glaucum N. *tab. 28. fig. 3. & tab. 81. fig. 1.*

ICON. TAUR. *Vol. XV. tab. 98. fig. 1.*

*Hieracium foliis lanceolatis glaucis, caule brachiato multifloro.* HALL. *emend. 2. n. 96. Cat. n. 973. MISC. TAUR. tom. V. p. 71. n. 70.*

*Hieracium foliis lanceolato-linearibus integris villosis, scapo unifloro.* GERARD. p. 166. n. 1.

*Hieracium montanum angustifolium nonnihil incanum.* BAUH. *pin. 129.*

*Hieracium (Scorzoneræ folium) foliis glaucis, & plumosis oblongo-lanceolatis, caule paucifloro.* VILL. *prosp. p. 35.*

Loc. In alveis fluminum inter alpes non infrequens. PERENNE.

Obs. HIERACIUM glaucum a *staticifolio*, & *porrifolio* differt. Folia longissime elliptica acuto fine, glauca obiter denticulata, ambitu, & costa pilosa. Caules rotundi teretes brachiati, ramis unifloris, aut bifloris. Calyx ovatus, ex squamis multorum ordinum dense appressis viridibus, in ambitu tomento albicantibus: semina aliquantum incurva oblonga striata coronata, pappo simplici sessili.

782. HIERACIUM staticifolium N. *tab. 81. fig. 2.*

ICON. TAUR. *Vol. VIII. tab. 74.*

*Hieracium caule ramoso, foliis radicalibus linearibus subdenticulatis, caulinis minimis.* GERARD. p. 167. n. 5. *MISC. TAUR. Tom. V. p. 71. n. 71.*

*Hieracium (staticifolium) caule nudo, foliis lingulatis obtusis subdentatis, floribus sulphureis.* VILL. *prosp. p. 35. tab. XIII. fig. 1.*

Loc. Non modo in sabulosis aridis secus flumina, sed etiam e rupium fissuris frequens nascitur locis calidioribus. PERENNE.



f. 1.

*Pteris Taraxaci*

f. 2.

*Hieracium paludosum*

f. 3.

*Hieracium capillare*